

血崩 殺血心痛劑

大丹紫色成塊者血熱四物加黃連柴胡之類

氣虛血虛者皆於四物內加參芪 急則治其標白

芷湯調百草霜甚者棕櫚灰後用四物加炒乾薑調

理因勞者用人參帶升補藥因熱者用黃芩因寒者

用炒乾薑 **戴**血大至曰崩中或清或濁或純下瘀

血或腐勢不可止證狀非一所感亦異甚則頭目昏

暈四肢厥冷並宜膠艾湯燻震靈丹佐以三灰散或

以童子小便煎理中湯或以沉香降氣湯加入百草

血... 勿黑愈信惡血之說不敢止截大凡血之為患
次出不出之際停在腹中即成瘀色難盡以瘀為惡
又焉知瘀之不為虛冷乎若必待見瘀血之後截之
恐併與人無之矣此腹痛更有說瘀而腹痛血通而
痛止崩而腹痛血住則痛止宜芎歸湯加乾薑熟附
一錢止其血而痛自止仍以刺花繡拭黑片燒灰研
末米飲調下一方以毛蟹殼燒存性米飲下亦有以
早黃麻根燒灰為末米飲下 薛經云陰虛陽搏謂
之崩又云陽絡傷則血外溢陰絡傷則血內溢又云
脾統血肝藏血其為患因脾胃虛損不能攝血歸源

或因肝經有火血得熱而下行或因肝經有風血得
風而妄行或因怒動肝火血熱而沸騰或因脾經鬱
結血傷而不歸經或因悲哀太過胞絡傷而下崩治
療之法脾胃虛弱者六君子湯加當歸川芎柴胡脾
胃虛陷者補中益氣湯加酒炒芍藥山梔肝經血熱
者四物湯加柴胡山梔苓朮肝經風熱者加味逍遙
散或小柴胡湯加山梔芍藥丹皮若怒動肝火亦用
前藥脾經鬱火者歸脾湯加山梔柴胡丹皮哀傷胞
絡者六君子湯加柴胡升麻山梔故東垣丹溪諸先
生下血證須用四君子以收功斯言厥有旨哉

若去血後母以脉診當急用獨參湯救之其發熱
潮熱咳嗽脉數乃是元氣虛弱假熱之脉也尤當用
人參之類此等證候無不由脾胃先損故脉洪大察
其有胃氣受補則可救設用寒涼之藥復傷脾胃生
氣反不能攝血歸源是速其危也

經驗簡要治崩中等證 冷者脉緊細手足寒紅去

淡黑或五色當歸建中加白龍骨血竭附子下紫石

英丸震靈丹灸火 熱者脉洪四肢溫心煩口苦燥

血沸而成用黃芩湯荆芥散或清心蓮子飲加竹瀝

生地黃汁甚者生地黃汁磨京墨百草霜冷服 虛

者膠艾湯加麥門冬芫荇龍骨酸棗仁或養榮湯加
龍骨血竭送震靈丹 實者腹中痛煮附丸四物湯

加香附子 心虛者 恍惚多夢健忘舌強小便多面

紅盜汗栝子仁湯酸棗仁湯加龍骨京墨首草霜吞

靈砂丹又靈砂當歸蓮肉龍骨棗肉丸參湯送下崩

中作麝香當歸香者心氣已散急服靈砂龍骨等

有田婦崩中斷下者用大蕪根酒煎清早服生麥中

如蓬蒿花或云卽薊根也

崩中分陰崩陽崩 受熱而赤謂之陽崩 受冷而

崩中之陰崩

膠艾湯 治陽崩不止小腹疼痛

見前月水不斷條

經丸 治陰崩不止

艾葉 醋炒

鹿角霜

伏龍肝

乾薑 各等分 爲末

右鎔鹿角膠和藥乘熱丸食後淡醋湯下五十丸

丹溪云涎鬱胸中清氣不升故經脈壅遏而降下非

開涎不足以行氣非氣升則血不能歸隧道此論血

泄之義甚明蓋開胸膈濁涎則清氣升清氣升則血

歸隧道不崩矣故其證或腹滿如孕或臍腹疼痛或

血結成片或血出則快止則悶或臍上動其治法宜

之宜行

開結痰行滯氣消汚血

調經 江氏婦三十歲墮胎後血不止食少中滿倦

怠不起躁煩六脉沉伏而數重取微弦予作怒氣傷

肝感動胃氣 二陳加川芎白朮縮砂二十貼而安

仲旋覆花湯 治半產漏下脉弦而大

旋覆花 參兩

蔥 拾肆莖

新絳 少許

右三味以水三升煮取一升頓服之

本草云旋覆花主留飲結氣

半夏 九指 治下血吐血崩中帶下痰喘急滿虛腫

亦消宿瘀百病

則白半夏制爭追漏薑牛周飛白透乍餅可聚

黃色去麩取半夏作末

糊為丸菜豆大每服十九溫熟水下芎歸湯沉

香降氣湯各半煎送下止血之要藥

干治婦人崩中下血不止以衣中白魚鱗鱗等分為末以井花水服之日三服瘥

右三方開痰

氣 羅備金散 治婦人血崩不止

香附子 肆兩 炒

當歸尾 壹兩 貳錢

五靈脂 壹兩 炒

右為細末每服伍錢醋湯調空心服立效

本治下血不止或成五色崩漏用香附子春去灰毛

中斷之略炒為末每服二錢清米飲調下此方徐朝
奉傳其內人有是疾徧服藥不効後服此遂愈久服
為佳亦治產後腹痛大是婦人仙藥常服益血調氣

大煮附丸

見前調經平齋一
方用香附子白芷為丸

縮砂散

治血崩用縮砂仁不以多少於新瓦上炒

香為細末米飲調下三錢

右四方行滯氣

消

世治血崩用乾荷葉濃煎湯一碗空心服之

立愈或調醋炒香附末尤妙

五

脂散 治婦人血崩及治男子脾瀆氣

五靈脂

不以多少炒
令烟盡研末

右為末每服一錢温酒調下此藥兼能解毒及蛇

蟻蜈蚣咬塗傷處立愈一方每服三錢水酒童便

各半盞煎至八分通口服名抽刀散治產後有病

服三服散惡血或心腹脇肋脚痛不可忍者或止

用童子小便尤佳或中風即入草烏頭半錢同煎

亦治腸風下血如不飲酒者煎烏梅栢葉湯調下

如心煩口乾渴者加蒲黃炒減半一方燒存性霹

靂酒下然此藥氣惡難喫燒之存性極妙一方治

婦人經血不止加黃歸兩片酒下鍾與藥夫同煎

服昔親戚黃守正翁為和劑局日內子凌夫人愈
苦此疾危殆百藥不効偶得此方旋服遂愈

雲治血崩不止五靈脂二錢炒熱加當歸酒同煎或
水酒童便各半盞同煎服一方五靈脂半生半熟為
末酒調服一方水煎五靈脂半乾去渣澄清再煎成
膏入神麩末為丸如桐子大空心溫酒下二三十丸
便止

又方 鹿茸醋炙

當歸各貳錢

蒲黃半兩炒

右為末

酒調下五錢七日三服

伊枝茯苓丸

治婦人有癥在臍上動下血不止

方見胎
下血

右四方清汚血

補
聖當歸芍藥湯

治婦人經脉漏下不止其色

鮮紅時值七月處暑之間先因勞役脾胃虛弱氣短逆自汗不止身熱悶亂惡見飲食亦不思食沉困嬾倦四肢無力大便時瀉後復因心氣不足其經脉再下不止惟覺氣下脫其元氣逆上全無惟覺心腹中氣不行氣短則不能言是無力以言非懶語也此藥主之

黃芪 壹兩半

白朮

蒼朮

泔浸

當歸身

白芍藥各伍錢

甘草

生地黄

各參分柴胡貳分

熟地黄

陳皮

去白各伍分

右十味為麤末作二服水煎去滓熟服空心服
之後漸減次日諸證悉去頓喜飲食所以者何蓋
氣通而聞飲食之香得平康故也

薛一婦人面黃或赤覺腰間或臍下作痛四肢困倦

煩熱不安經行先發寒熱兩肋如束血湧如崩此脾

胃虛損元氣下陷與相火濕熱所致用補中益氣加

芍藥芍藥炒黑黃蘗間以歸脾湯調補而血始歸經

汪石山治一婦年逾四十形色蒼紫忽病血崩醫
者或用涼血或用止瀉俱罔效診之六脉皆沉濡而
緩按之無力乃氣病非血病也當用甘溫之劑健脾
理胃使胃氣上騰血循經絡則無復崩矣遂用補中
益氣湯多加參芪兼服參苓白朮散崩果愈

金匱膠艾湯 治勞傷血氣月水過多淋瀝漏下連

日不止臍腹疼痛及妊娠將攝失宜胎動不安腹
痛下墜或勞傷胞絡胞阻漏血腰痛悶亂或因損
動胎上搶心奔衝短氣及因產乳衝任氣虛不能

約制延引日月漸成羸瘦方見前月水不斷條

薛一婦人久患血崩狀體消瘦飲食到口但聞腥臊口出津液強食少許腹中作脹此血枯之證肺肝脾胃虧損之患用人珎湯烏鰾魚骨圓蕪服兩月而經行百餘劑而康寧如舊矣

栢子仁湯 治婦人憂思過度勞傷心經不能藏血遂致崩中下血不止

栢子仁

香附子

炒去毛

芎藭

鹿茸

火燎去毛酒蒸焙

茯神

去皮木

當歸

各壹錢半

阿膠

小草

各壹錢

川續斷

貳錢

甘草

炙半錢

右作一服水二鍾生薑五片煎至一鍾空心服

經水漏不住有二補前人之闕 婦人

脾胃虛損致命門脉沉細而數疾或沉弦而洪大有
力寸關脉亦然者由脾胃有虧下陷於腎與相火相
合濕熱下迫經漏不止其色紫黑如夏月腐肉之臭
中有白帶者脉必弦細寒作於中有赤帶者其脉洪
數病熱明矣必腰痛或脘下痛臨經欲行而先發寒
熱往來兩脇急縮兼脾胃證出見或四肢困熱心煩
悶不得眠臥心下急宜大補脾胃而升降氣血可一

心氣不足其火大熾旺於血脉之中又致脾胃飲食
失節火乘其中形質肌肉顏色似不病者此心病也
不形於脉故脾胃飲食不調其證顯矣而經水不時
而下或適來適斷暴下不止治當先說惡死之言勸
諭令懼死而心不動以大補氣血之劑補養脾胃微
加鎮墜心火之藥治其心補陰瀉陽經自止矣痿論
云悲哀太甚則胞絡絕胞絡絕則陽氣內動發則心
下崩暴洩血也故經曰大經空虛發則肌痺傳為脉
痿此之謂也

益胃升陽湯

治血脫益氣古人之法也先補胃氣